

ՆԱՄԱԿՆԵՐ ԻՄԱԲԳՐՈՒԹԵԱՆ

I

Այսօր միայն առիթ ունեցայ տեսնելու և կարդալու «Ղու-
մայ» ամսագրի №№ 5—6-ում (եր. 169—170) Վ. Ա. ստորագ-
րութեամբ նամակը, վերաբերեալ «պատմագիրք Հայոց» գործի
հրատարակութեան: Խնդրում եմ ամսագրի մօտակայ համա-
րում տպագրել ներկայ պատասխանս այդ նամակին:

Ճիշտ չէ, երբ թէ գեր. Սուքիաս արքեպիսկոպոսը, 6000
ռուբլի նուիրելով պատմագրքի հրատարակութեան նպաստ՝
«մի քանի պայմաններ էր դրել հրատարակիչներին»: Նա ոչ
մի պայման իւր կողմից չէ դրել: Հրատարակութիւնը էջմիած-
նի անունով կոչելու առաջարկութիւնը ծագել է աշխատակից-
ների կողմից, որին ես համաձայնութիւն եմ տուել մի յայտնի
պայմանով, իսկ առաջին հատորի վաճառումից գոյացած դրա-
մով երկրորդ հատորը տպելու միտքը ինձ է պատկանում:

Մինչև այժմ լոյս ընծայուած մի գրքոյկի, Ղազար Փար-
պեցու վրայ, որ կազմում է Ա. հատորի չորրորդ գիրքը՝ չէ
դրուած ոչ նուիրատուի անունը և ոչ «էջմիածնի հրատարա-
կութիւն» վերնագիրը այն պատճառով, որ այս և այսպիսի
յիշատակութիւնները դրուելու են ամեն մի հատորի ընդար-
ձակ վերնագրում, և ոչ թէ ամեն մի գրքոյկի վրայ, որ կրում
է կարճ վերնագիր: Ըստ այսմ՝ կորիւնի վրայ, որ Ա. հատորի
առաջին գրքոյկը կը կազմէ՝ կդրուի նուիրատու Սուքիաս
արքեպիսկոպոսի անունը և «Հրատարակութիւն արքայ էջմիած-
նի» յիշատակութիւնը (եթէ իմ դրած մի յայտնի պայմանը ի-
րագործուի):

Ճիշտ է Վ. Ա.-ի նամակի մի դիտողութիւնը միայն, որ
հրատարակութիւնը շատ է ձգձգուում: Ներկայումս մասուլի
տակ է Ա. հատորի երկրորդ գրքոյկը, Ագաթանգեղոսը, և մեծ
մասամբ տպագրուած է: Նա վաղուց վերջացած կլինէ՞ր եթէ
անսպասելի կերպով մի թիւրիմացութիւն չծագէր մի աշխա-
տակցի և հրատարակիչների մէջ, որի շնորհիւ տպագրելի նիւ-
թի շարունակութիւնը դեռ չեմ ստացել: Յոյս ունեմ, որ այս
թիւրիմացութիւնը կվերանայ և գործը անխափած կշարունա-
կուի սեպտեմբերից. իսկ եթէ այս չյաջողի, հարկադրուած կլի-
նեմ հասարակութեան առաջ պարզել գործի բոլոր հանգամանք-
ները, և այն ժամանակ հասարակութիւնը կգատէ, ով է մե-
ղաւորը:

Ինձ համար մութ է մնում Վ. Ա.-ի նամակի մի խօսքը.—
«ինչ իրաւունքով կամայական գործածութիւն է տուած օտա-
րի սեպտեմբերին»: Եթէ «օտարի սեպտեմբերին» ասե-
լով Վ. Ա. հասկանում է Սուքիաս արքեպիսկոպոսի Պատմա-
գրքի հրատարակութեան նուիրած 6000 ռուբլին, այս գումար-
քին ոչ մի կամայական գործածութիւն չէ տրուած, այլ նա
«ծառայել է և պիտի ծառայէ բուն այն նպատակին, որի համար

նուիրուած է. իսկ եթէ ուրիշ բան է ուզում ասել նամակի-
հեղինակը, այն ես արդէն չեմ հասկանում: *)

28 օգոստոսի 1906,

ՍՏ. ՄԱԼԽԱՍԵԱՆՑ

Ախալցխայ:

II

Եւթարգրութեան «Լուսնայ» ամսագրի.

Խնդրում ենք մի անկիւն շնորհէք Ձեր թերթի էջերում
նորին Պայծառափայլութեան տ. Փոխարքայի թոյլտուութեամբ:
ս. Էջմիածնի անտառում Մայիսի 21-ին կազմած ժողովրդական
գրօսանքի մտից և ելից հաղորդել:

Մոտք.

Ա.) 30 հոգուց ստացուած է մօտ 1000 կտոր իրեղէն-
վիճակախաղի համար, որից զուտ արդիւնք գոյացաւ, տոմսակը
25 կ. 250 ռուբ. բ.) մուտքի տոմսակներէ՝ 167 ո. 25 կ. գ.) բու-
ֆէտը՝ 132 ո. 75 կ. դ.) դրամական նուէրներ զանազան տեղե-
րից՝ 3810 ո. 5 կ. ընդամենը՝ մուտքը եղել է 4360 ո. 5 կոպ.:

Ելք.

Ջրօսանքը կազմելու համար, տախտակամած պատրաս-
տելու համար, բուֆէտի համար պաշարեղէն, Նրևանից զի-
նուորակն երաժշտական խումբ բերել և տանելը և վարձա-
տրութիւն թէ այդ խմբին և տեղական սաղանդարներին, այլ
և փոստ - հեռագրական ծախք նուէրները ս. Էջմիածին փոխա-
դրելու համար և մանր ծախք՝ ընդամենը 368 ռուբլի 43 կոպ.:

Ձուտ արդիւնքի ըաշխովը.

Ձուտ արդիւնքը, որ անում է 3991 ռուբ. 62 կ., բաշ-
խուած է այսպէս.

1.) 591 ռուբ. 62 կ. բաժանուած է Վաղարշապատի աղ-
բատ բնակիչներին և գաղթականներին. նպաստ տրուել է
գլխաւորապէս հագստեղէն և ալիւր:

2.) 400 ռուբ. պահուած է նոյն նպատակի համար
առաջիկայ ձմեռային ամիսներին օգնութիւն հասցնելու, երբ
ցրտերի պատճառով չբաւոր ընտանիքներն աւելի կարօտ են
լինում օգնութեան:

3. 600 ռուբ. յանձնուած է Վաղարշապատի ծխական
հոգաբարձութեան այն գոյամանով, որ տղայոց և օրիորդաց
ղըպրոցներում այդ գումարի տոկոսներից 4 ռուբլիանոց
թոշակներ տրուին աղքատ աշակերտներին որպէս ուսման
վճար. իսկ երբ հոգաբարձութիւնը նոր դպրոցական շէնք
կառուցանելու լինի, այդ գումարը պիտի գործադրուի դպրոց-
ների համար անհրաժեշտ ուսումնական պիտոյքներ ձեռք
բերելու:

*) Այս նամակը մամուլի տակ էր, երբ մեր թղթակցից
տեղեկացանք, որ գեր. Սուքիաս ան. յանձնել է Ս. Էջմիածնի
փաստաբանին՝ դատով վերականգնել իւր իրաւունքը «Պատմ.
Հայոց» հրատ. վերաբերեալ: ԽՄԲ.